

खबरां

- प्रधानमंत्री नरेन्द्र मोदी होरें फ्रांस दे राष्ट्रपति इमैनुअल मैक्रों हुन्दे मुम्बई च दपक्खी बैठक लाई।
- कृषि मंत्री शिवराज सिंह चौहान होरें करसानें गी सशक्त ते सूचना-समृद्ध बनाने दे मकसद कन्नै भारत-विस्तार नामक डिजिटल पैहल दी शुरुआत कीती।
- बीएनपी प्रमुख तारिक रहमान होरें अज्ज बांग्लादेश दे नमे प्रधानमंत्री दे तौर पर संगंध लैती। लोकसभा अध्यक्ष ओम बिरला हुन्दे कन्नै केई होर विदेशी नेता बी शपथ ग्रहण समारोह च शामिल होए।
- सूचना ते प्रसारण मंत्री अश्विनी वैष्णव होरें आक्खेआ जे भारत अगले दो बरे च देश दे ए.आई इकोसिस्टम च 200 अरब डॉलर सोयां मते दा निवेश आकर्षित करने आस्तै तैयार ऐ।
- केन्द्रीय गृह मंत्री अमित शाह होरें अज्ज गांधीनगर दे महात्मा मंदिर च इक उच्च स्तरीय राष्ट्रीय सम्मेलन "मंथन" दा उद्घाटन कीता।

<><><><><><>

PM French Prez.

प्रधानमंत्री नरेन्द्र मोदी ते फ्रांस दे राष्ट्रपति इमैनुअल मैक्रों होरें अज्ज मुम्बई आहले लोकभवन च दपक्खी बैठक लाई। दौनें नेताएं भारत ते फ्रांस बश्कार रणनीतिक साथ सहयोग आहले केई सारे क्षेत्र जियां रक्षा, सुरक्षा, बपार ते सांस्कृतिक आदान-प्रदान शामिल हा। फ्रांस दे राष्ट्रपति इमैनुएल होरें 26-11 आहले मुम्बई आतंकवादी हमले दे शहीदें गी श्रद्धांजलि भेंट कीती। सोशल मीडिया दी इक पोस्ट च इमैनुअल होरें आक्खेआ जे फ्रांस आतंकवाद खिलाफ लड़ाई च भारत दे कन्नै खडोते दा ऐ। फ्रांस दे राष्ट्रपति होरें भारती सिनेमा दी मन्नी-परमन्नी दी केई सारी हस्तिएं कन्नै बी मलाटी कीती।

<><><><><><>

Bharat Vistar

राईबाई ते करसान कल्याण मंत्री शिवराज सिंह चौहान होरें अज्ज जयपुर सों करसानें आस्तै डिजिटल सहयोगी 'भारत विस्तार' दी शुरुआत कीती। इस पैहल दा मकसद करसानें गी स्मार्ट, सशक्त ते सूचना-समृद्ध बनाना ऐ। इस प्लेटफॉर्म दे राएं करसान अपने मोबाइल फोन सोयां इक गै कॉल च सारी जरूरी जानकारी हासिल करी सकडन। इस मौके पर केन्द्रीय कृषि मंत्री होरें इसी कृषि क्षेत्र च डिजिटल क्रांति दी दिशा च इक ऐतिहासिक गै दस्सेआ। उने आक्खेआ जे इस पैहल कन्नै करसानें गी फसल आधारित वैज्ञानिक सलाह, मंडी मूल्य ते मौसम सरबंधी जानकारी हासिल होग। उने आक्खेआ जे एहू पैहल डिजिटल इंडिया दे सुखने गी ग्रामीण भारत तकर पजाने च निर्णायक साबित होग। चौहान होरें आक्खेआ जे करसानें दी आमदन बदाने आस्तै उनें गी नां छडा राईबाई सगुआं पशुपालन कन्नै बी जोड़ना जरूरी ऐ जिसदे आस्तै प्रौद्योगिकी बड़ी मती महत्वपूर्ण ऐ। राजस्थान दे मुख मंत्री

भजनलाल शर्मा होरें इस डिजिटल पैहल गी करसान क्रांति दी शुरुआत दस्सेआ ते करसानें सोयां इसदा पूरा पूरा लाह ठोआने दा आग्रह कीता। दुर्गापुरा स्थित राज्य कृषि प्रबंधन संस्थान च आयोजित कार्यक्रम च राज्य दे कृषि मंत्री डॉ. किरोडी लाल मीणा होरें आक्खेआ जे करसाने गी इक एकीकृत डिजिटल प्लेटफॉर्म पर उनदी अपनी भाषा च व्यापक कृषि सेवाएं ते जानकारी हासिल होगा।

<><><><><><>

### PM- Kovind

प्रधानमंत्री नरेन्द्र मोदी होरें साबका राष्ट्रपति रामनाथ कोविंद हुं'दे कन्नै नमें बने दे प्रधानमंत्री दफ्तर "सेवा तीर्थ" च मलाटी कीती। सोशल मीडिया पर प्रधानमंत्री होरें आखेया जे साबका राष्ट्रपति रामनाथ कोविंद हुं'दे कन्नै मलाटी बड़ी गै सुखद रेई। उ'नें आखेया जे बक्ख-बक्ख विषें पर उन्दे विचार हमेशा गै गंभीर- विचारशील ते मार्ग-दर्शन आहले होंदे ना। तोंआई- साबका राष्ट्रपति कोविंद होरें अपने सोशल मीडिया संदेश च आखेया जे नमें बने दे प्रधानमंत्री दफ्तर "सेवा तीर्थ" च प्रधानमंत्री हुं'दे कन्नै मलाटी करियै बड़ी खुशी होई। उ'नें आखेआ जे एह भवन "नागरिक देवो भवः" दी भावना गी साकार करदा ऐ ते सेवा- करुणा- कर्तव्य ते "नेशन फसर्ट" दे सिद्धांतें दा प्रतीक ऐ। साबका राष्ट्रपति होरें अपने संदेश च देशवासियें गी शुभकामनां बी दितियां।

<><><><><><>

### SIR

पश्चिम बंगाल च विधानसभा चुनावें दी तैयारियें ते मतदाता सूची दे विशेष गहन पुनरीक्षण - एसआईआर दी समीक्षा आस्तै, निर्वाचन आयोग दे नमे नियुक्त विशेष रोल ऑब्जर्वर, सेवानिवृत्त आईपीएस अधिकारी एनके मिश्रा राज्य दे दौरे पर रोडना ओहू मुख् चुनाव अधिकारी मनोज कुमार अग्रवाल हुन्दे कन्नै बैठक करडना। आयोग दे सूत्रें मूजब, इस बैठक दा मकसद मतदाता सूची दे विशेष गहन पुनरीक्षण, प्रशासनिक तैयारियें ते बक्ख बक्ख सरबंधित प्रक्रियाएं दी प्रगति दी समीक्षा करना ऐ।

<><><><><><>

### Vice President /HM Karpuri

उपराष्ट्रपति सी पी राधाकृष्णन गृह मंत्री अमित शाह ने आज नई दिल्ली में भारत रत्न कर्पूरी ठाकुर की पुण्यतिथि पर उन्हें पुष्पांजलि अर्पित की। सोशल मीडिया पोस्ट में श्री शाह ने कहा कि सामाजिक न्याय के प्रतीक कर्पूरी ठाकुर स्वतंत्रता, समानता और लोकतांत्रिक मूल्यों के प्रति सदा समर्पित रहे। उन्होंने कहा कि कर्पूरी ठाकुर का जीवन सार्वजनिक जीवन में पवित्रता और पारदर्शिता का प्रतीक है और वे युवाओं के लिए सदा प्रेरणास्रोत रहेंगे।

<><><><><><>

## BNP PM Oath

बांग्लादेश च बांग्लादेश नेशनलिस्ट पार्टी -बीएनपी दी भारी जीत दे मगरा अज्ज तारिक रहमान प्रधानमंत्री दे ओहदे दी संगंध लैती। बीएनपी नै अज्ज तारिक रहमान गी अपना नेता चुनेआ ऐ। मुकामी मीडिया रिपोर्टें मूजब बीएनपी नै संसदीय दल दी स्थापना कीती ते इसदी उद्घाटनी बैठक आयोजित कीती गई। बैठक दी अध्यक्षता तारिक रहमान होरें कीती। पैहले, दिन च जातीय संसद भवन च बीएनपी द 208 सांसदें संगंध लैती ही। बैठक दौरान, संसदीय दल नै बीएनपी अध्यक्ष तारिक रहमान गी अपना नेता ते प्रधानमंत्री ओहदे आस्तै इकमात्र मेदवार चुनेआ । इस दौरान मुख्ब निर्वाचन आयुक्त होरें नमे चुनोए दे सांसदें गी संगंध दोआई। हाल च गै होए दे चुनाएं च, बीएनपी नै 209 संसदीय सीटें जीतिया, जिसलैकि जमात-ए-इस्लामी गी 68 सीटां हासिल होईयां हियां।

<><><><><><>

## Birla -Bangladesh

शपथ ग्रहण समारोह च भारत दी तरफा लोकसभा अध्यक्ष ओम बिरला ते भारत दे विदेश सचिव विक्रम मिश्री शामिल होए। हाल च होए दे संसदीय चुनाएं च बांग्लादेश नेशनलिस्ट पार्टी दे नेतृत्व आहले गठबंधन नै शानदार जित हासल कीती ऐ। विदेश मंत्रालय दा आखना ऐ जे इस महत्पूर्ण कार्यक्रम च ओम बिरला हुंदा शामिल होने जाना- भारत ते बांग्लादेश दे लोकें बश्कार गैहरी ते पक्की दोस्ती गी दर्शादा ऐ ते कन्नै गै एह दौनें मुख्बें गी जोड़ने आहले लोकतांत्रिक मुल्ले-कद्रें गी लेइयै भारत दी प्रतिबद्धता दा बी प्रतीक ऐ।

<><><><><><>

## I&B AI Investment

सूचना ते प्रसारण मंत्री अश्विनी वैष्णव होरें आखेआ जे एआई 5मीं औद्योगिक क्रांति ऐ। नमी दिल्ली च आयोजित इंडिया एआई इम्पैक्ट समिट दे दूए दिन मीडिया कन्नै गल्लबात करदे होई उनें आखेआ जे एह शिखर सम्मेलन अवादी कन्नै जुडी दी बड़्डी समस्याएं दे हल आस्तै इक मंच प्रदान करा र दा ऐ ते युवाएं च इक नमी ऊर्जा देखी जाई सकदी ऐ। उने आखेआ जे एआई दा इस्तेमाल अर्थव्यवस्था ते समाज गी समग्र रूप कन्नै बेहतर बनाने दे कन्नो कन्नी इस तकनीक कन्नै होने आहले नुकसानें गी संतुलित करने आस्तै कीता जाई सकदा ऐ। वैष्णव होरें आखेआ जे इस शिखर सम्मेलन दे मगरा अगले दो वरे च 200 अरब डॉलर सोयां मते दे निवेश दी मेद ऐ। उनें देशै च कायम डिजिटल सार्वजनिक अवसंरचना दे सुदृढ ढांचे पर बी लौह पाई, जिसदे कन्नै भारत च एआई दा तेजी कन्नै प्रसार होआ'रदा ऐ।

<><><><><><>

## Healthcare AI

केन्द्रीय सेहत राज्य मंत्री अनुप्रिया पटेल होरें भारत च सेहत सेवा च एआई आस्तै रणनीति दी शुरुआत दी घोषणा कीती। एह राष्ट्रीय मार्गदर्शन ढांचा राज्यें, नियामकें ते निजी कार्यक्रमें च एआई गी जिम्मेदारीपूर्वक अपनाने च सहयोग देगा। नमी दिल्ली च आयोजित 'इनोवेशन टू इम्पैक्ट – सेहत क्षेत्र च एआई इक प्रमुख गेमचेन्जर' विषे पर गोलमेज सम्मेलन च सुश्री पटेल होरें आखेआ जे इस

पैहल दा वीरबारें एआई इम्पैक्ट समिट दौरान उदघाटन कीता जाग। केंद्रीय मंत्री होरें सेहत क्षेत्र च जिम्मेदार ते समावेशी ए आई तकनीक अपनाने दी देश दी प्रतिबद्धता गी दोहराया। प्रधानमंत्री नरेन्द्र मोदी होरें दृष्टिकोण पर बल दिन्दे होई उने आक्खेआ जे भारत आस्तै एआई सिर्फ आर्टिफिशियल इंटेलीजेंस नेई सगुआं विकसित भारत दे आस्तै सर्व-समावेशी, न्यायसंगत ते विश्वसनीय सेहत सेवा प्रदान करदी ऐ। सुश्री पटेल होरें आक्खेआ जे भारत च पूरे सेहत क्षेत्र च ए आई दा उपयोग होआ'रदा ऐ जेदे च बमारिएं दी जांच, पन्ध्यान ते इलाज प्रक्रिया शामिल ऐ।

<><><><><><>

### Prdhan-AI

केंद्रीय शिक्षा मंत्री धर्मेन्द्र प्रधान होरें आक्खेआ जे ए.आई ते शिक्षा इक दूए दे पूरक ना। नमी दिल्ली च आयोजित 'भारत च एआई दी सीमाएं गी अगगे बदाना' विषे पर आधारित इंडिया एआई इम्पैक्ट समिट दे दुए दिन गी सम्बोधित करदे होई प्रधान होरें आक्खेआ जे मौजूदा समें च देश ज्ञान केंद्रित समाज बनने दी दिशा च अगगे बदा र दा ऐ। प्रधान होरें आक्खेआ जे भारत जनेहू बहुआयामी देशै च एआई प्रणाली दी जटिलता गी समझने ते जन कल्याण आस्तै इसदा इस्तेमाल करने दा इक महत्वपूर्ण साधन ऐ। उने युवाएं सोयां इस तकनीक दी गहरी समझ विकसित करने ते भविष्य च ए.आई संचालित वैश्विक ज्ञान केंद्र बनने दी अपील कीती।

<><><><><><>

### PM Package Employees

सरकार नै सदन गी सूचित कीता जे सरकार नै जम्मू ते कश्मीर च प्रधानमंत्री पैकेज कर्मचारिएं दी वरिष्ठता कैडर प्रबंधन, तैनाती ते करियर प्रगति कन्नै सरबंधित बक्ख-बक्ख मुद्दें गी निवियमित करने दे कन्नै-कन्नै उन्दे सेवा हितें गी मजबूत ते संरक्षित करने लेई कडे दिशा-निर्देश जारी कीते ना। एह जानकारी उपमुख्यमंत्री सुरिंद्र चौधरी होरें अज्ज सदन च मुख्यमंत्री उमर अब्दुल्ला हुंदे आसेआ विधायक मोहम्मद युसुफ तारीगामी आसेआ पुच्छे गेदे इक सुआल दा परता दिंदे होई दिती। उपमुख्यमंत्री होरें दस्सेआ जे प्रधानमंत्री पैकेज कर्मचारिएं दी वरिष्ठता, कैडर प्रबंधन, तैनाती ते करियर प्रगति गी विनियमित करने लेई जून 2022 च इक सरकारी आदेश जारी कीता गेआ हा।

<><><><><><>

### HM Manthan

गृह ते सहकारिता मंत्री अमित शाह होरें अज्ज गांधीनगर दे महात्मा मंदिर च इक उच्च स्तरीय राष्ट्रीय सम्मेलन "मंथन" दा उद्घाटन कीता। इस बैठक च सारे राज्यें ते केंद्र शासित प्रदेशें दे सहकारिता मंत्री ते वरिष्ठ अधिकारी हिस्सा लै र दे ना। दिन भर चलने आहली इस बैठक च केंद्रीय सहकारिता मंत्री अमित शाह विश्व दी सबने थवा बड्डी अनाज भंडारण योजना दे तैहत दो लक्ख नमे बहुउद्देशीय प्राथमिक कृषि ऋण समितियां-पीएसीएस दी स्थापना ते बेहतर अनाज भंडारण आस्तै आधुनिक गोदामें दे राष्ट्रव्यापी विस्तार दी प्रगति दी समीक्षा कीती। सम्मेलन च सहकारी बैंकें दे डिजिटलीकरण, राज्य सहकारी कानूनें च सुधार ते अमूल ते एनडीडीबी दे सहयोग कन्नै डेयरी नेटवर्क दे विस्तार पर भी विचार-विमर्श होआ। साहडे संवाददाता नै दस्सेआ ऐ जे शाह होरें गुजरात दी 258

करोड़ रुपये दी 5 सहकारी परियोजनाएं दा वर्चुअल उद्घाटन कीता ते सावरकुंडला ते पाटन च स्थित विशाल गोदाम सने 7 करोड़ रुपये सोयां मती दी दो परियोजनाएं दा नीहू पत्थर रक्खेआ।

<><><><><><>

### CBSE Class 10 New Rules

केन्द्री माध्यमिक शिक्षा बोर्ड सी.बी.एस.इ नै इस बारे लागू 10मीं दे बोर्ड मतेहानें सरबंधि योजना तैहत नियमें पर अधिकारिक पुष्टि जारी कीती। बोर्ड नै साफ कीता ऐ के पैहला बोर्ड मतेहान हर विद्यार्थी गी देना होग ते जेकर कोई विद्यार्थी पैहले मतेहान दे 3 जा ओहदे कोला मते पेपर नेंई दिंदा-तां ओ दुए मतेहान च बौहने लेई योग्य नेंई होग। बोर्ड नै साफ कीता ऐ जे कि दुई बारी आहला मतेहान छड़ा- उनें विद्यार्थियें लेई होग- जेहडे पैहला पेपर पास करी लैदे न ते उनेंगी लगदा ऐ जे इक बारी होर पेपर देइयै ओ बेहतर अंक हासल करी सकदे न- ओ एह मतेहान देई सकगंन। इस बारे नियमें दी तफसील विद्यार्थी सी.बी.एस.इ दी वेबसाईट पर बी दिक्खी सकदे ना।

<><><><><><>

### Meghwal JK Statehood

केंद्री विधि ते न्याय राज्यमंत्री अर्जुन राम मेघवाल होरें अज्ज आखेआ जे सरकार अदालतें पर भार घट्ट करने ते विवादें दे तौले हल लेई कनूनी सहायता ते प्रौद्योगिकी आधारित पूर्व मुकद्दमेबाजी उपाएं गी बढ़ावा देआ'रदी ऐ। आकाशवाणी संवाददाता दी रिपोर्ट मुजब राज्यमंत्री होरें कश्मीर च मीडिया कन्नै गल्ल करदे होई आखेआ जे नागरिक सामान्य सेवा केंद्रें (CSCS) कन्नै संपर्क करी सकदे न, जित्थे मकामी वकीलें दा इक पैनल कनूनी सलाह ते पूर्व मुकद्दमेबाजी सहायता प्रदान करदा ऐ। जम्मू ते कश्मीर दे राज्य दे दर्जे दे संवेदनशील मुद्दे पर मेघवाल होरें संकेत दित्ता जे इस सरबंधें च तौले गै फैसला लैता जाई सकदा ऐ। उनें आखेआ जे गृह मंत्री लोकसभा च जम्मू-कश्मीर गी राज्य दा दर्जा देने दा आश्वासन पैहले गै देई चुके दा ऐ।

<><><><><><>

### CM-Statehood

मुख्यमंत्री उमर अब्दुल्ला होरें अज्ज आखेआ ऐ जे जम्मू-कश्मीर दी जनता गी पूरी चाल्ली संदोख अदूं गै मिलोग, जिसलै राज्य दा दर्जा बहाल करी दित्ता जाहगा। उनें इस गल्ला पर जोर देइयै आखेआ जे केंद्र कन्नै लगातार गल्लबात जारी ऐ ते तौलें गै सकारात्मक नतीजें दी मेद ऐ। उनें 14 पर्यटन थाहरें दा परतियै खुल्लने दा सोआगत कीता ते बीजेपी दे फंड गी लेइयै गलत प्रबंधन दी सखत निंदेआ कीती। शेर-ए-कश्मीर अंतरराष्ट्री कांफ्रेंस सेंटर च पत्रकारें कन्नै गल्लबात करदे होई मुख्यमंत्री होरें आखेआ जे इस प्रक्रिया च बशक्क मेद थमां मता समां लगगा'रदा ऐ पर केंद्र सरकार कन्नै इस मुद्दे पर लगातार वार्ता जारी ऐते सकारात्मक नतीजे दी मेद ऐ।

<><><><><><>

### Weather

मौसम विभाग नै सोमवार गी दस्सेआ जे जम्मू ते कश्मीर च 26 फरवरी तोड़ी मौसम मुख्त तौरा पर खुशक रौहने दी मेद ऐ। इस दरान भारी बरखा या बर्फबारी दी कोई मेद नैई ऐ। केंद्र शासित प्रदेश च

मौसम आमतौरा पर साफ रौहग, मगरा किश दिनें च बक्ख-बक्ख उच्चे इलाकें च हल्की बर्फवारी दी मेद ऐ। मकामी बसनीकें ते यात्रिएं गी मकामी मौसम पूर्वानुमान थमां अवगत रौहने दी सलाह दिती ऐ। हालांकि इस दरान मौसम सरबंधी महत्वपूर्ण व्यवधान दी मेद नेई ऐ।

<><><><><><>